

SESSIONI URDINARIA DI U 2025

RIUNIONI DI U 3 Dicembri di u 2025

N° 2025-M4-21

**QUISTIONI URALI DIPUSITATA DA BERTONCINI FLORA PÀ U GRUPPU
« SCELTA PATRIOTTA »**

Ughjettu : l'impattu di a teleghjistioni nant'à u travagliu di l'ADMR di Corsica.

Signora consiglieria esecutiva in carica di u suciali, di a saluta è di a lotta antivetturiali,

Sapemu chì a Corsica s'invechja. Sionti i privisioni, in u 2050, l'indiziu d'invechjamentu sarà di 224 (più di 2,2 anziani pà un ghjovannu). Di pettu à issa realtà, divimu di sicuru pruona misuri pulitichi forti.

Ma, in u listessu tempu, ci pari impurtanti di ramintà chì u rispettu, l'aiutu è l'accumpagnamentu di i nosci anziani hà sempri avutu una piazza primurosa in Corsica. Cusì, u travagliu di l'ADMR di Corsica hè essenziali. U bisognu in issu sittori ùn s'arresta di crescita, è iss'aiutu in casa ghjoca un rolu maiori pà u mantinimentu di i binifiziaru.

Eppuru, pocu fà, i cundizioni di travagliu ani scambiatu assai.

L'Ausiliari di vita devini oramai puntà à u minutu vicinu, quand'eddi ghjunghjini è quand'eddi partini di u domiciliu di u binifiziaru.

In casu di trapassamentu di u tempu, devini riduci u tempu di travagliu i volti dopu. Issi trapassamenti sò cuntabilizati cum'è sbagli è poni essa

sanzionati. Par esempiu a Corsica suttana ùn hà dirittu chì à 6 parcenti di margini di sabgliu.

Issa ghjistioni minutu pà minutu cagiona mudificazioni pirmanenti in i sparti tempi, piglia un tempu impurtanti à u parsunali in i scagni è soprattuttu laga di menu in menu piazza à l'imprivistu.

Ma in casu d'imprivistu chì si passa ? Se un anzianu hà un bisognu d'ultimu minutu o s'eddu casca ? Si devi lagà u binifiziaru in difficoltà pà ùn essa sanzionati ?

Oghji, à issi parsonni li parini di corra dopu à u tempu, è di perda a leia umana, l'ascultera è l'adattazioni soclu di u so mistieru.

Semu cuscenti chì un quadru devi esista, pà privena l'eccessi è garantiscia un'organizzazioni sana.

Allora, signora cunsigliera esecutiva,

Pinseti chì issu funziunamentu cusì meccanicu, hè adattatu à un mistieru di rilazioni umani è d'impatia ?

Ùn ci vularia micca pinsà un mudelu chì parmetta in u listessu tempu u rispettu di l'orari è a qualità di l'accumpagnamentu di i nosci ?

Arringrazià vi.